


Biblia alang sa Kabataan

motanyag

Si David ang Batang Magbalantay sa Karnero



Gisulat ni: Edward Hughes

Gihulagway ni: Lazarus
Alastair Paterson

Gipahaom ni: Ruth Klassen


Gihubad ni: Mel Lorell Abugho,
Cheryn Mabano Abugho

Gipagawas sa: Bible for Children
www.M1914.org


©2024 Bible for Children, Inc.

Pagtugot: Mahimo kang mokopya o mopatik niini
nga estorya, ayaw lang ibaligya.

Dugay na kanhi, sa mga adlaw ni Haring Saul sa Israel, usa ka batang lalaki nga ginganlag David mitabang sa iyang pito ka igsoong lalaki sa pag-atiman sa mga kahayopan sa ilang amahan.




Bisan ug siya ang kamanghuran, si David maoy kusgan, maisogon nga bata nga nahigugma ug misalig sa Diyos. Nagpuyo siya sa lungsod sa Betlehem.




3

Kas-a ang usa ka leon miatake sa panon aron sa pagsakmit ug usa ka gamay nga nating karnero alang sa panihapon. Ang batan-ong si David giatake niya ang nag atake. Gibira niya ang nating karnero palayo, gigunitan niya ang bungot sa nanggulob nga mananap ug gipatay kini. Nasayod si David nga gitabangan siya sa Diyos.



4

Si Samuel, ang propeta sa Diyos, naguol gihapon nga si Haring Saul gipakyas niya pag-ayo ang Diyos. "Hangtod kanus-a kamo magbangotan alang kang Saul?" Gikasab-an sa Diyos si Samuel. "Ipadala ko ikaw ngadto kang Jesse ... Kay ako nag-andam alang sa akong kaugalingon ug usa ka hari taliwala sa iyang mga anak



nga lalaki."


5

Si Jesse mao ang amahan ni David. Bisan pa ug nakahibaw si Samuel nga basin patyon siya ni Haring Saul tungod sa pagpangitag laing hari, ang propeta misunod sa Diyos.




6

Sa pag-abot ni Samuel, gipaagi ni Jesse ang pito sa iyang mga anak sa atubangan ni Samuel. Ug si Samuel miingon kang Jesse, "Ang Ginoo wala magpili niini." Nga ang nahabilin na lang si David, ang kamanghuran. Didto siya sa gawas uban sa mga karnero. Ug ilang gidala si David sa sulod. Ug ang Ginoo miingon, "Bangon, ug dihogi siya, kay kini mao ang usa."




7

Sa palasyo ni Saul, ang Espiritu sa Ginoo mibiya na kang Saul ug nahimo siyang usa ka samok na tawo. Ang iyang mga alagad naghunahuna nga ang maayong musika mahimong makapahiluna sa hunahuna ni Saul. Ang usa kanila nakaila ug batan-ong lalaki nga maayong motugtog ug alpa. Makatag-an ka ba kon kinsa kadtong batan-ong lalaki? Oo, David.




8

Ang musika ni David nakapahupay kang Saul ug nakatabang kaniya sa paghunahunag tarong. Gihangyo ni Saul si Jesse nga tugotan si David nga magpabilin sa pag-alagad sa Hari. Sa matag higayon nga si Saul atakihon sa depresyon o kahadlok, si David nagtugtog ug alpa alang kaniya. Ug nakatabang kini.




9

Pagkahuman niuli na si David, may daku nga away si Saul sa mga Filistinhon. Ang mga igsoon ni David nakig-away sa kasundalohan ni Saul. Gipadala ni Jesse si David ngadto sa panggubatan aron sa pagdalag pagkaon sa iyang mga igsoon ug kon naunsa na sila.



10

ANG usa ka dakong Filistehanon nga higante, si Goliat, iyang gihadlok ang tanang Israelinhong mga sundalo.



11

"Pagpili kamo ug usa ka tawo alang kaninyo, ug palugsonga siya nganhi kanako!" Misinggit si Goliat. "Kon siya makahimo sa pagpakig-away kanako, ug sa pagpatay kanako, unya kami mahimong inyong mga alagad na moalagad kaninyo." Ang tanang mga tawo sa Israel, sa




pagkakita nila sa higante,

nangalagiw gikan kaniya, ug nangahadlok pag-ayo.


12

Unya si David miingon kang Saul, "Ayaw itugot nga ang kasingkasing sa bisan kinsang tawo mahulog tungod kaniya; ang imong sulogoon moadto ug makig-away niining Filistehanon." Gusto ni Saul nga magsul-ob si David ug hinagiban ug magdala kini ug espada. Ug hinuon, si David mikuha sa iyang lambuyog ug mipunit ug lima ka hamis nga bato gikan sa sapa.




13

Mikatawa si Goliat sa dihang iyang nakita nga ang batan-ong si David wala gani magsul-ob ug hinagiban. "Ihatag ko ang imong unod sa mga langgam sa




kahanginan ug sa mga mananap sa kapatagan!" nanggulob siya. "Ako mianhi kanimo sa ngalan sa Ginoo!" Si David mitubag. "Niining adlaw itugyan ka sa Ginoo sa akong mga kamot ... kay ang gubat iya sa Ginoo!"

14




Unya midagan dayon si David paingon kang Goliat. Sa iyang pagdagan, iyang gipabuthan ug usa ka bato gikan sa iyang lambuyog - diha mismo sa agtang ni Goliat. Ug nahulog si Goliath!

15




Gihulbot dayon ni David ang dakong espada ni Goliat ug gipunggot ang iyang ulo. Sa dihang nakita sa mga Filistehanon nga si Goliat patay na, nanagan sila aron sa pagluwas sa ilang mga kinabuhi.

16



Si Haring Saul wala mahinumdom nga kini mao ang parehas na David nga naghupay kaniya pinaagi sa alpa. Gibutang niya si David nga pangulo sa iyang kasundalohan - ug unya nasina sa dihang gipasidunggan sa mga tawo ang mga kadaugan ni David. "Karon unsa pa ang iyang maangkon gawas sa gingharian?" Naghunahuna si Saul. Busa gibantayan ni Saul si David sukad niaanang adlawa ngadto sa unahan.


17



Sa makausa pa, nasamok ang hunahuna ni Haring Saul. Busa si David nagpatugtog ug musika aron sa pagsulay ug paghupay kaniya. Tulo ka higayon nga gilabay ni Saul ang iyang bangkaw kang David. Apan si David nakaikyas sa matag higayon.

Si Saul nahadlok kang David, tungod kay siya nahibalo nga ang Ginoo nag-uban kaniya, apan mibulag kang Saul.


18



Apan si Jonatan, ang anak ni Saul nga lalaki, nahigugma kang David isip igsoon. "Ang akong amahan nga si Saul nagtinguha sa pagpatay kanimo," siya nagpasidaan kang David. Busa si David miikyas. Ang iyang asawa nagbutang ug usa ka taw-taw sa iyang higdaanan, ug gipakanaug si David gikan sa bentana sa tungang gabii. Sa diha nga ang mga tawo ni Saul miabut na

pagkabuntag, si David wala na.

19



Kinahanglang mokalagiw si David palayo kang Saul. Sa wala pa niya buhata, siya ug si Jonatan naghimog kasabotan. Misaad sila sa usag-usa nga magtinabangay sila kanunay.

20

Makaguol man, nanamilit ang duha ka managhigala. Si David nangitag dapit nga iyang kapuy-an nga walay kahadlok nga makaplagaan siya sa mga sundalo ni Saul.



21

Si David ang Batang Magbalantay sa Karnero

Estorya gikan sa Pulong sa Dios, ang Biblia,

makita sa

1 Samuel 16-20

“Ang pag-abot sa Imong mga Pulong nagahatag ug kahayag.” Salmo 119:130

22

Ang Kataposan

19



60

23

Kini nga estorya gikan sa Biblia nagasulti kanato bahin sa kahibulongan nga Dios nga nagbuhat kanato ug gusto Niya nga kita makaila Kaniya.

Nahibalo ang Dios nga nakabuhat kitag daghang daotan. Gitawag Niya kini nga sala. Kamatayon ang silot sa sala. Pero nahigugma pag-ayo ang Dios kanato. Iyang gipadala ang bugtong Niyang Anak nga si Jesus aron mamatay sa Krus ug silotan tungod sa imong mga sala. Unya nabanhaw si Jesus ug mibalik sa Langit! Kon motuo ka kang Jesus ug mohangyo nga pasayloon ka sa imong mga sala, himoon kana Niya! Moanha Siya ug mopuyo sulod kanimo karon, ug mopuyo ka uban Kaniya hangtod sa kahangtoran.

Kon motuo ka nga kini ang tinuod, ingna ang Dios: Ginoong Jesus, ako nagatuo nga Ikaw Dios, ug nahimong tawo aron mamatay alang sa akong mga sala, ug karon Ikaw nabuhi pag-usab. Anhi sa akong kinabuhi ug pasayloa ang akong mga sala, aron mabag-o ang akong kinabuhi karon, ug unya makig-uban ako Kanimo hangtod sa kahangtoran. Tabangi ako nga motuman Kanimo ug magkinabuhi alang Kanimo ingon nga Imong anak. Amen.

Basaha ang Biblia ug pakigsulti sa Dios kada adlaw! Juan 3:16

24